


詩

重
峯
集

卷



重峯先生集目錄

卷之一

詩

四言春祝

控江亭臨別次柳正字而見韻

夢見沈兄澤仲

上栗谷先生

浩然亭次栗谷先生

過玄陵有感

偶吟

重刊集目錄
謁夷齊清聖祠二首

渡二灤河

玉河館和許義叔韻

謁河西書院次松江使相韻二首

寄弟

登康陵後岡次洪參奉興道

臣可韻

保寧途中憶土亭先生

過公山寄徐山長龜堂

陶原即事示同遊諸君子二首

遊頭沅山次學敏上人韻二首

次雙溪寺石門韻

敬次撫夷樓韻二首

馬梁鎮即事

次松崖相公上思庵領相韻

又次松崖使相韻上思庵相公台座二首

又得前字韻奉別松崖使相

題康津爲景樓

自警二首

以此日不再得示書院諸君子二首

次李克欽韻

寄鄭同福道可

次金點韻

次趙上舍士仁兄韻

封章後有旨面諭有感而作

秋夕有感

題愛日堂

遊栗原次武夷棹歌韻十首

採菊東籬下

遊離山聞許信夫之訃因次都事韻五首

謝懷川監務送蟹

俗離山次伯道韻

過安眠島憶土亭先生

次成板谷韻呈盧蘇齋台座

李可依以余不喜南華經戲贈一絕因次其韻

挽李上舍景淳

元巖驛次僻上韻三首

挽栗谷先生

贈趙景韓二首

謝朴正字汝資來訪次其遊丹丘之韻三首

琴泉寺次權汝明韻

與李生宗詰散步川上適值金生負周賢仲
携酒見訪乘醉言志

琴泉以總角聞道白首無成分韻得聞字送

周廣文賢仲

朴汝獻來訪贈詩以謝

次汝獻韻兼謝金文叔垂訪四首

朴汝獻將歸聚遠亭側淹留不得以南征為
客久分韻得征字軸贈別章

謝三山書院諸君子携酒遠訪

謝李邦彥李士基携酒見訪二首

贈李承旨景涵兄弟三首

次二首

次尹上舍景說韻二首

贈羅牧金士純

敬次慕齋圭庵石川諸先生挽金冲庵壽母

韻三首

無題

和朴明允韻

分韻得陪字示同遊諸生

金座首天章李進士士義來訪以詩謝之首二

題金戒叔江亭

題漾碧亭

謝郭君舉遠訪

次松泉立春吟

思郭希甫而次其韻二首

思金錦溪而次希甫韻二首

申次青蓮丈韻

次河丈道源韻呈李方伯仲舉令公

讀楚辭有感

省墓後詣 闕陳疏二首

封章後待罪 闕下夜深歸路秋月正明乃

次沈僉正伯懼見贈韻

登忠州 嶺南望沃川雲山有感而作首二

踰大小漢嶺有感

峯驛次金橫城叔京丈韻

春川道中楊安邊之子海星中立以詩慰行
和之

秣馬而歛驛望花岳山有感而作二首

南中精兵死于北道癘疫簣屍踰嶺詩以慰

之

有人將歸通津欲寄一詩于鄉親

臨溟驛次俞使相韻

再次臨溟韻二首

無題

贈姜僉使三首

次聖居翁韻

謫嶺東驛寄謝吉州牧六首

贈南兵使申令公恪

嶺東驛題柱

無題

次除夕吟四首

還踰摩天嶺

咸興半刺送酒予中道詩以謝之

與金安東肅夫三首

贈梁石城鼓巖丈并序

次或人韻五首

挽鄭上舍君章三首

挽金上舍

次仁山板上韻

東華集目錄
題朴如一松亭

題金冲庵先生殿策後

庚寅見海西盧肅川之子為安胎監役因憶

栗谷先生寄三小絕

次朴生景修韻

謝尹進士元翁惠橘

贈薛叔靜并序二首

謝庾復初兄弟携酒見訪因呈椿府案下

溪邊對酌三首

贈崔仲龍

化仁津待奇監司景延

後野洞契中因謝長少

七月九日以君不見黃河之水天上來分韻
得見字各為言志之約奉贈同遊諸賢

七月十日金士潤將還以蜀道之難難於上
青天分韻得於字吟成四十韻奉勸諸同遊
以敦尚小學無戒二小子

贈朴明允二首

祭後憶故鄉親戚

謝梁有浚見訪

謝三山耆老遠訪

謝金峻孫

謝金光孫朴景龍李命百

羅火峴盤石待李厚之

南城主將赴會盟宴詩以為別無呈月汀相

公

敬次 主上殿下次山海關馬主事贈奏請

使俞判書韻三首

御製

謝金水原士重

謝襄誠之見訪二首

聞襄誠之客中愆和憂想之深茲承瓊韻喜

而和之

和全孝先三首

安善初遠訪山中詩以為謝二首

敬次牛溪先生韻

追謝郭希甫携友遠訪空還

責安習之

邊虞候凌晨起程未及奉別詩以見志二首

李可依次西亭韻見示有感而次之

金堂長松亭以詩來見次而贈之又次朴景
新堂韻

李誠甫淨友堂次板上韻

尚州途中有感

海平縣東望金烏山有感次古人韻

宿長水郵軒次李獻壁上韻贈主人察訪李

泰叔二首

泰叔為道三陟竹西樓之勝槩為關東第一

余遂請名郵軒為竹西

次林石川韻贈李泰叔

寄上奇方伯景延

新寧倅韓丈

個

携酒出訪因與泰叔飲醉未

得辭

次霽月堂壁上韻贈永倅元彥偉

士客

求和

永川滌襟之筵醉次主倅元彥偉韻贈慶判

李鎮之從岳二首

奉酬彥偉見和韻二首

慶判以居水之故促鞭登途不受州士追餞

余與彥偉飲而別之

明遠樓上敬次文忠公韻二首

愚巷里前歷觀先生孝子碑

又次慕齊先生韻

樓題仰觀文忠公所作一律一絕手澤如昨
風流宛然終宵有感因記排律二十韻以寓
平生景慕之意因以二十日往拜于臨臯書
院先生真像

二十日往于臨臯書院拜謁圃隱先生真像
後因題院壁

壁間有沈伯慎所次四韻乃以地震解怪祭
獻官來見姑夫曹倅作也

次贈主公

次以自警

二十二日到河陽次松崗贈金縣監光斗韻

五絕

挽李判相新庵子秀俊民

次省峴壁上韻

二十三日歷慶山館次晦齋先生韻

二十四日向清道郡路拜漁村先生于川路

再次清德樓韻

次鰲山東軒李使相鳴谷

仲舉甫韻

次鰲山東軒韻呈漁村先生

請漁村先生立後

謝周急之惠

和贈李泰叔

郡西十里有濯纓先生祠院乃金駟孫家墟
也與泰叔往吊次壁上韻

追寄謝泰叔

追寄仁同侪趙大中

欲寄張昌原未果

崔大丘仲膺乙亥為通津監務憲為交承故

作一詩叙懷

劉生福男曾遇驪江而又逢於達城夜道東
賢勝詩不遺一字呼燈略記因感戊子歲搬
取妹家舟行狼狽之事因贈以詩

寄自如察訪金季義

從唐五絕

因金君舉寄呈崔晉牧立之令公五絕

達城東廂次益城君韻二首

又次壁上韻

次鳴谷使相韻

崔大丘於漢川南邊構茅堂數間搜得陰崖

十景俾憲賦之

雲邊三角

日下長安

木覓夕烽

江寺曉鐘

南漢古城

西陵松雪

廣津漁火

清潭歸帆

箭郊春色

炭川秋光

益城君出示其遠祖洪忠平公權行狀三復
感嘆因題其後

益城又示其先祖匡定公行狀誅奸安社之
功屹然無及者因題其後

大丘教授宋贊哉出示其內外祖行狀因題
申壯節公崇謙行狀後

題宋尚州行狀後

達城有陶靖節先生集追寄印紙題于紙表
朴咸昌忠後家有先生贈人之詩次以吊之

汝述招三姪以見之明秀可愛醉書范訓

又次先生韻錄付朴忠進轉呈益城君

四日子半宿醒初醒窓外有鶯音喜得逋奴

自現

京山敬事堂酒席醉次思齋先生韻贈主牧

李悅之

同席有元上舍廣南埏乃是畿鄉人也追次

思齋韻三首

挽金密陽

寄寒崗鄭道可

次廣甫韻無示鄭士俊

六日之朝主牧將設離筵懲於昨醉次前詩
乃走

是午秣馬扶桑郵人家有尚州懸板韻次以
述懷

郵人之壁有書鄭文翼公詩者又次見志
夕入金陵郡伯任丈曾任天安時憲自三山
點軍故叙懷

善山府伯尹致仲勉時以考講先來追記俗
離之遊

辛卯秋松坡丈次送次佔畢先生韻次以贈之

奉呈松坡大人

次希甫見贈韻二首

讀何蕃傳有感贈別金松堂丈

金松亭携酒來訪夜道其著力做工夫之事更步前韻以慶之

吊梁石城

辛卯冬留宿安心寺敬次栗谷先生題積雪樓韻

壬辰春祝二首

次尹大丘伯昇年兄韻二首

西臺寺遇朴習讀成堅

夜道退溪思庵事甚

詳詩以記之三首

寄崔內廂復初令公

寄權正真卿

師渡荆江有懷高而順

卷之二

雜著

祭土亭先生文

重刊集
祭考妣文

告辭 聖廟文

嶺東謫所祭 考妣文

祭圃隱先生文

祭平陽朴先生文

祭朴廷弼文

三山書院 祭成大谷文

祭趙生負文

後栗精舍上樑文

壬辰五月初三日募兵檄逸不錄

募兵檄

七月初四日祭熊津龍堂文

七月初五日犒軍誓辭

八月初一日勤王指路文見抗義新編

八月初一日告諭本國人為倭所擄者文

八月初一日告諭日本從行士卒等文

八月十日諭日本賊僧玄蘇文

通諭釋徒文

卷之三

書

謝安沔川鵠書

答南沃川城主書

答朴汝翼書

與金安東肅夫書

與益城府院君洪監司書

又

謝全孝先書

吊梁石城書

與延安府使申公恪書見抗義新編

與金錦山餘慶書

與刑曹判書李公增書見抗義新編

謝李秀才昆仲書

謝李秀才宗彥昆仲書

又

與湖右沿海列邑書

與姜丹城書

與水軍節度使書見抗義新編

答高山縣監書見抗義新編

與巡察使書見抗義新編

與李正字恪書

上松江相公書

與尹梧陰相公書

與李鳴谷判相公書

別紙

與承宣諸公書

卷之四

封事

癸酉疏

甲戌疏

即東還封事見抗義新編

壬午擬上疏

丙戌封事

卷之五

封事

丁亥疏

請絕倭使第一疏見抗義新編

第二疏見抗義新編

己丑疏

請絕倭使第三疏見抗義新編

辛卯請斬倭使第一疏見抗義新編

第二疏見抗義新編

壬辰起兵後疏見抗義新編
清州破賊後狀啓見抗義新編

重峯先生集目錄終

重峯先生集卷之一

詩

四言春祝

新歲萱闈庶幾無疾心和體和動靜常吉子女兢修
獲福均一憲歸劭農宜其家室穀粟盈疇禾麻如櫛
以謹祀事黍稷芬苾準勤稼穡節用而實範劬經史
勵行無失典畢小學人爭求匹二女在外妻道謹密
七婦低顏家儀秩秩孫得祚胤忠孝厚質並諸卑幼
一無憂辭共樂年豐永世寧謚
右萱闈
新歲重峯折節好學明無人非幽無鬼貴翩翩冠童

咸使為已師聖希賢甘貧勵志入孝出恭動同違禮
三餘之功永矢勿替

右書堂屏

新歲幽居諸福畢臻年登學進家室濔濔庶無外撓
不出戶庭箕裘有業子弟明經事育有物婦女無非
含飴弄孫慶屬萱闈

右寓居門

新年婦室齋祀惟謹勿勿欲饗一以誠信追遠不匱
養生無闕老幼衣食不聞一缺和色怡聲姑慈婦聽
多黍多稌又無疾病

右室閭

新歲吾兒年甫十八力學謹言聰明特達發憤忘食
行著習察夫和婦順生子秀發天錫以善誠孝不竭

父母歡樂卑幼無扎

右缺

控江亭臨別次柳正字而見韻

己巳

秋風蕭瑟動纖波舉目東南道路賒
悵望仙舟追不得關山孤客意如何

夢見沈兄澤仲

辛未

黌堂清曉剪孤燈對越前賢學戰兢
倦睡也知頗不惡夢來猶幸見親朋

上栗谷先生

冰炭元難合朱林豈相調大老思渭上
陽道恐漸消浩然亭次栗谷先生

烟島乘桴晚結亭高厓巔潮聲洲外壯松影水中懸
宙色青連海風光爽滿天襟懷方丈濶何處更求仙
過玄陵有感

摩挲古墓立秋風憑想前朝業不終神祖尚安丘
累孱孫何用石崇崇千年流弊猶無盡萬世遺譏詎
有窮田父不知亡國意指揮頽砌謂禪宮

偶吟

離親鯨海三秋淚戀子萱堂萬里心明月無言空自
照何緣傳報異鄉音

謁夷齊清聖祠二首

甲戌

胸中都是絕毫私高節長扶萬古彞願得清風薰一
仰醒然起我懶頑資

拜瞻孤竹二賢人深慕當年兩得仁敝屣任看尊富
位芳徽扶起古今倫清風激處頑夫耻舊惡忘時薄
俗淳東海小生欽仰久臨壚猶覺爽心神

渡二灤河

聖德遍覃遠國臣灤河千古作通津何緣挹此清流
水永洗陰山胡虜塵

玉河館和許義叔韻

甲戌

五月離金浦窮秋走帝關淒風腓百卉歸路隔千

山夢噩魂頻駭愁深髮欲斑
白雲思罔極何日慰親顏

謁河西書院次松江使相韻二首

長城有霞谷清絕天下聞
會當登絕頂一望太行雲
百年安宅欠經營最愛河西
保性情今到祠前客一
拜春風如舊繞溪亭

寄弟

宦遊湖海忽逾年憶弟看雲
倍悵然願自新正勤向
學九原將復慰吾先

登康陵後岡次洪參奉興道
臣韻

攀巖扶葛上崢嶸四顧山河秋氣清莫道東陽西雨
好何如天日正光明

保寧途中憶土亭先生

庚辰冬

碩人千里昔同遊期我終身少過尤今日重來思不
見可憐誰進濟民謨

過公山寄徐山長龜堂

庚辰冬

德人心眼定何如泉石膏肓想未祛靜對雲山供嘯
咏新開蝸室展圖書冠童日見昏蒙豁侯伯時詢弊
瘼除悵我方憂將母急蹇驢不克造門間

陶原即事示同遊諸君子

辛巳春

靜裡冥觀萬化源一春生意滿乾坤請君莫問囊儲
乏山雨終朝長菜根

坐見閑雲度遠岑俯聽溪曲有清音幽居莫恨無人
識千古仁賢獲我心

遊頭流山次學敏上人韻

辛巳秋

樓下寒潭徹底清楓光斜日映空明生逢真界居無
計嗚咽泉聲若有情

滿山楓葉爛秋天水石喧邊一路綿真界晚來留不
得碧潭回首倍依然

次雙溪寺石門韻

辛巳秋

寒溪飛下碧潭幽石刻分明對路頭緩步松陰投古
寺錦屏秋擁夕陽樓

敬次撫夷樓韻

五代祖有諱環以門蔭受

知于世宗朝為京畿都事歷宰善山江華

宣德五年庚戌以通政繼李勗為州牧使十二
月既望下車越六年乙卯季冬晦秩滿以上護
軍致仕歸老子通津田廬嗚呼自乙卯至萬
曆辛巳凡百四十七年而孺孫以承乏佐幕俛
仰治所撫循餘民欲訪故事無從問聞只於州
吏所記先生案中歷考始末不勝感愴敢次板

上韻以叙遠慕之意

雄藩南服撫夷樓時屬昇平但射候
真祖治聲知
幾歲孱孫浪迹幸今秋遺民自有誠心愛祛瘼緣何
喜色浮努力願將王澤究邊城永保萬年休
緬憶吾家五代親六年於此牧羅人通津只有三間
屋宣德從知一境春憑想先朝圖久任因思時
宰要端身雲孫慙拙悲無似癘瘼難聞民所禱

馬梁鎮即事

爰案層城碧海頭大平今日壯吾遊何緣常守苞桑
戒宵旰無貽聖主憂

次松崖相公上思庵領相韻

冬溫南國見梅頻
此日難堪望北辰
多士幸瞻河海量
聖君方倚股肱人
十年宵旰求治切
一代仁賢問孰親
無限民咨言不盡
還朝領致太平春

又次松崖使相韻上思庵相公台座二首

南士欣欣遶竹林
兩朝元老幸遙臨
牽衣共說軍民苦
願致仁賢共盍簪

經綸十載隔雲丘
魂夢依依兩地悠
非不願公留信宿
要看東國萬年休

又得前字韻奉別松崖使相

辛巳冬

香閣承顏十載前
奉宣湖海未逾年
政餘幸服仁言

厚客裡欣消鄙疾偏智異清遊今不續禪雲高會更
何緣南荒只有無窮恤望採民艱達九天

題康津萬景樓

岡巒如畫水如彎湖界蒼茫一望間恰似重峯三月
暮臨江遙對兩京山

自警

薛文清曰吾北歸得如非復吳下阿

蒙則庶有進乎若與初來時無異恐有愧於故
舊也又曰朱子遣子從學欲其一變舊習而歸
曰念之念之無忝爾所生吾來湖南三年矣北
歸有進庶無忝爾所生乎寒燈無寐三復遺錄

思前顧後愧余舊習之纏繞仍成一吟以為後之資

咄汝平生足過尤南遊無進止歸羞於今乃服先賢教不學而行最可憂

我生於世最無能莅縣曾慙蔑可稱今日自修猶不給傍人休道有威稜

以此日不再得示書院諸君子

癸未春以下報恩

人從外慕謾奔馳却恨窮閭老大悲如信聖言專為已闇然會有日章時

志學無成歲易馳忽焉衰老最堪悲山齋日永無餘

事正好工夫百倍時

次李克欽韻

名德鳳

人謂先賢道別高甘心暴棄世滔滔多君著意吾儒
學須作當年天挺豪

寄鄭同福道可

故人南下浴溫泉一札傳來喜欲顛離岳秋光猶不
遠須看楓壑映長川

次金點韻

虛堂秋露草虫鳴淡月疎烟夜景清南表故人知我
意相携竟夕話平生

次趙上舍士仁兄韻名師顏咸昌人

至親何事隔雲山二百年來斷往還
零落風因邦抗掣贅居專為世清
寒衰門寂寂懷長痛抔土茫茫任
浩歎偶出未偕論譜系晚來空復倚兄欄

封章後有旨回諭有感而作癸未秋

民病君恩不可忘那堪一歲再封章
玉音遠下孤臣館百拜明庭感淚滂

秋夕有感

故園桑梓隔茫茫遊宦三年暗自傷
况逢佳節霑襟處三角山高江水長

題愛日堂

光陰鼎鼎疾如丸些少衰齡再駐難
及盛年窮此理無令父母有憂端

遊栗原次武夷棹歌韻

天成老嶽闕精靈嶽下泉流步步清
行到栗原奇勝處武夷須續棹歌聲

一曲滄江有小舫發源南嶽作長川
西歸錦麓因歸海碧浪應通洙泗烟

二曲岩峩焚峴峯千巖萬壑浚秋容
西臺望了因瞻北緬想蓬萊翠萬重

三曲林亭小似舩一鄰茅屋自何年人攜棠栗呈新
釀老守風流爾亦憐

四曲蒼屏大石巖巖前楓葉影遶山容峻秀無人
見戛玉鳴泉響碧潭

五曲東南谷口深依稀仙侶隔雲林林邊有客形容
癯山水高歌千古心

六曲松杉護碧灣蕭疎一逕石為關蒼崖翠壁高千
尺俯仰夷猶客意閑

七曲褰裳渡碧灘隱屏幽谷費回看人言秋雨霖霪
甚我愛飛泉添得寒

八曲穹林眼豁開岡巒寥廓水東迴秋原喜問耕雲
叟為道二三佳客來
九曲三峯對肅然遠山西鶩隔南川巖松溪柳裝新
巷果是塵寰別箇天

採菊東籬下

郊端秋氣滿佳菊粲東籬金蕊凋霜後清香暮雨時
是豈同凡卉獨秀保孤姿愛玩心何足耽香是採之
採之香凝袖含英寄遐思泛酒非徒爾孤操我獨知
南畝縱就穢清興摠在茲北窓長日月清節少豈移
遊離山聞許信夫之計因次都事韻五首

名克
諱典

其弟克誠文行甚高
相繼病歿江華人也

久聞君病急書到淚先流
門戶悲無托中宵白盡頭
君來百念息君去百憂侵
海國知音絕秋山費楚吟
六尺雙賢膽氣雄一瓢相
矢樂吾窮悲纏風樹皐魚
死淚洒秋山落葉紅

嗟君兄弟并吾狂羞向蘇
張說霸王嘉穀向成終未
秀秋山割盡九回腸
俗離山水君攸愛自謂相
隨又一年今日山容君不
見寒流直注重峯前

謝懷川監務送蟹

無腸公子在江城山縣相思歲屢更為送一缸天地
數能令慈匙較前輕

俗離山次伯道韻

頭流昔日杜南遊離岳如今興却優不是山容南異
北南川愁入白雲秋

過安眠島憶土亭先生

安眠西望隔重丘却憶先生雙淚流自是分明安史
筆如何千古作為讎土亭見安名世以史事被戮時
車載過門前即決遺世之志先

生此詩似
說此事

次成板谷韻呈盧蘇齋台座

板谷名允
諸尚州人

斯世誰當解糾紛
早乾人極望霓雲
如今看取調元手
君德要須足聽聞

李可依以余不喜南華經戲贈一絕因次其韻

名有憑不
幸早死

禪窓坐對碧峯前
一日擎吟累數篇
跌宕南華非不愛
溪辭恐誤古賢傳

挽李上舍景淳

名漫

京洛求朋二十春
如君奇秀冠羣倫
場文屏燭心期遠
利名安天氣象醇
桂谷窮喪君篤義
湖山樂棘我傷神
禮經遺訓能遵否
胡乃輕情喪厥身

元農驛次壁上韻三首

驛乃恭隱王避紅巾自
杞州赴還時駐蹕之地

也相國乃李恭隱
而將軍指金斯華

可憐麗季亂離秋誰使重瞳作遠遊
相國雄文徒記事將軍長笛更牽愁
雖誇一代同筵樂其奈明年喪祚羞
殷鑑昭昭知不遠臣民須解達民憂

老樹蒼然二百秋前朝曾見設筵遊
一人臨此誠多

幸七老承恩寵必優歌頌昇平真未計
扶持危急嘆

無由當年若悔南巡事湖外須還許少游

許以掌令
直諫被竄

不得慶孫守義州紅巾百萬振狝狝安西
夜報將軍

死出嶺晨傳鐵騎道松岳久無王氣壯商
顏已見蜀

車遊還朝未必能持國元帥何辜喪盡頭

挽栗谷先生

甲申春

胡為夫子便長休斯道斯民不幸秋弊痼後今誰與
議危微自此罔攸求溪堂永夜憂時歎海閣高談經
世謀萬事悠悠嗟已矣愚蒙增痛喪文修

贈趙景韓二首

名愈

寂寞銀川齋逢君始好書復知終不懈方可莫攸居
鼻祖流聲遠前朝兵判書何知十代後同郡議同居
謝朴正字汝資來訪次其遊丹丘之韻三首

秋

平生金玉友遙隔海山雲對晤孤村夕峯頭月一痕
有物傷天目無人不嬖妬舍生皆痛疾未敢指糞

適月能
故及之

之子來相訪塵襟若為開山深孤月白霜冽衆芳摧
春酒隨君量雷談暢我懷如何歸路黑恐被暮雲猜

琴泉寺次權汝明韻

名幹乃權
之兄也

乙酉

空山歌伐木啼鳥茂林幽列岳愁無語鳴泉逝不留
偶然逢執友聊爾作同遊水石添佳興規箴是我求

與李生宗詰散步川上適值金生負周賢仲携
酒見訪乘醉言志

水麗山明地風高葉落秋倘佯提督趙邂逅廣文周
幸值仙翁集因携童子遊悠然成一醉乘月步長洲
琴泉以總角聞道白首無成分韻得聞字送周

廣文賢仲

故人向湖外為我朝穿雲蕭寺尋故迹蒼山對夕曛
採芹知幾歲白首悲無聞為愛一宿別挑燈講古文
因知天與性初無愚智分咸山可愛士聰敏絕其羣
講試已五載長進誰云云邇來廣文輩哺啜徒紛紜
不思倚席講唯知醉紅裙黌堂絕絃誦庭草誰復耘
翩躚媚學子放冊寧從軍君行慨其嘆夙習掃腥羶

日展大小學獎誨思慤慤孝弟指堯舜枝序明夏殷
穆穆文敬止緝熙窮夕昕彛章煥上下百代聲沄沄
周衰聖不作學教頽八垠尼父為萬世發憤昭典墳
顏孟既云遠經籍為秦焚漢家雜以霸竺骨枉玄纁
仁義路充塞異言肆妖氛人於魏晉下生死如蟻蚊
沉淪及五季骨肉屠斧斤周程繼絕緒考亭集大勛
微言遍海國聞者皆欣欣昭昭揭白日人知尊父君
然猶不早學終難辨猶薰網常日以數利害自紛紛
倘教一佳士不妨為劉蕡事親應竭力為國終獻芹
從知教導職可以承河汾歸歟一振拔湖曲播清芬

詩成夜將半，須知我意勤。

朴汝獻來訪，贈詩以謝。

名廷者

仲夏垂逢安邑路，初秋

意向琴泉炎雲茂，草交山

逕，疆策嗟君馬屢顛。

次汝獻韻，無謝金文叔垂訪四首。

名篆

炎天草路屈吾賢，共坐看雲對石泉。待得清秋霜染

樹，芒鞋期上碧山顛。

赤登江距琴泉遠，枉此知非小丈夫。倘許規箴蒙寡

過，相期勿作為人儒。

飄蓬將老異鄉秋，自愧仁賢訪不休。聞古聖人猶設

憤悠悠末學可無憂

家對澄江聚遠亭高標曾是飽聞聲
滔滔俗利初無意落落畸人晚有情
再訪荒山心自感五題瓊韻咏來清
後知直諒蒙多益提誨須令昏者明

朴汝獻將歸聚遠亭側淹留不得以南征為客
久分韻得征字軸贈別章

聞君昔授訪百里仰高名只今纔見別幽抱滿中情
作客逾時月懷經痛瞽盲人心趨利祿聖路久榛荆
世好阿容合誰憐鄙吝萌德門資直諒賢人最豪英
問業承師友薰風有父兄身棲嗜士浦心在會稽城

欒棘悲三歲劬勞念一生晨昏愁阻隔甘旨日經營
道術隨年富文章不日鳴顯揚非假外忠孝可由成
偶執干時策翻驚急利程謀猷非一槩趨捨與時行
黠虜恣南牧聖君憂北征箇中求妙術謂可致昇
平舟子却齊師希文折夏兵何嘗棄葩藻學得較名
聲患乏平時養危難隻手擎朱文嘆易逝衛武戒靡
盈君子倘深惜聖經應賴明自知芻豢說寧有利心
爭題贈求聞過君須矯我輕

謝三山書院諸君子携酒遠訪

乙酉

諸子不忘舊城主春風載酒度高岑耳邊馮記冲庵

訓紳上猶書大谷箴三歲自慙無布德百杯多謝強
傳心青芻白飯吾未得却恐歸途暮景沉

謝李邦彥李士基携酒見訪二首

乙酉

明時莫恨且優游把酒論懷問幾秋今幸有山無有
水逢場須惜歲如流

雲垂山徑草離離寂寂池堂午夢遲珍重諸公携酒
訪農歌領聽夕陽時

贈李承旨景涵兄弟三首

丙戌秋絕交時

夫子當年不濟河西遊初意欲如何假令舜竇誠多
罪趙孟宜為忠晉家

嗟我與君皆甲辰樹雲南北不同鄰最憂曾子無閒
歲須惜蘧卿寡過春一眼初從賢否定百年終信是
非真可憐生也為文仲寧學堯夫請養親

孤城雨雪政夢夢携笏聯鞭客路中戀闕誠隨星拱
北思家心逐水歸東長鯨未奮滄溟水病鶴空懷碧
宇風明主定虛宣室席莫嗟湖海伴漁翁

次

深源此夜對元規樽酒慇懃結後期明日別懷何處
苦趙樓長笛夕陽時

為報吾君時以動聲名曾被兒童誦他年雲路好彈

冠匪躬莫負君恩重

次尹上舍景說韻

名光啓

昔日恭聞仁則榮老來還懼罔之生何修可以終恒
德晚悟良慙不大聲捨已愆尤常勿恤聽人便
相驚斯知凜凜終年事庶冀全吾心性情

嗟吾斯世得為人直道思肩三代民曷究淵源四子
學猶違泥塑一團春躬修不力愁將老精義如何妙
入神南海幸逢君志道底緣簪盍講書頻

贈羅牧金士純

名誠一

種木十年方待用人才非可一朝成能言距墨為師

孟後事希顏是學程莫把異同輕國士
須知舉錯動秦兵超超韓富吾難及
廷議堂堂外自平

敬次慕齋主庵石川諸先生挽金冲庵壽母韻

丙戌

福善由來是定論如何此理有時昏
生賢同抱黃兒

志死國明垂張母言禍自北門投
左腹慟深南海剩

幽冤挽歌公議昭昭在洞咏猶今
慰九原

右次慕齋金先生韻

主庵為惜冲庵死壽母哀詞嘆悲
詳畢竟主庵又不

免千年剩起後人傷

右次主庵宋先生韻

萬古聖賢事昭昭如日星云何彼淮
怨及目事朱程

昔謂神交厚終被利害爭三遷遵孟學百世求邦寧
早年身許國尋常言傳經只為生民計非要一己榮
心事齊李杜膚慙浮宰衡隱隱殿上虎飄飄海中萍
管闌哭永訣末路愁險嶺誰傳朋友挽痛說母子情
那知嘆此類又復欺天明鄭順門殺宋李千年愧汗
青

右次石川林先生韻

偶會客中面共開愁裡笑官童薦芳樽偏承太守教
端合醉陶陶不須憂悄悄促膝咏明月停盃歌窈窕
篩檻綠竹影映窓寒梅梢乘醉強題詩渾忘句不巧

却羨趙倚樓早擅穿楊妙能超世囂囂獨保心皎皎
傷時不自由曷日舒繚糾纔被五馬榮還悲三月吊
六揮賈傳淚幾費孫登嘯世路異東西時論昧大小
況今歲不登野有流民孥君門隔千里寸心懸九
霄何時却彈冠再見天日照期將舊龔黃更作新周
召經邦貴老成莫嗟年未少吾民受其賜太平期永
保上納丹宸箴下慶黃麻詔嘉猷即入告為忠非自
藐

和朴明允韻

名廷亮

挾冊何曾透一篇杖藜還愧枉吾賢深傷義理人無

講自悼明誠教不傳洙泗遺經求白日瀛閩往事場
寒烟如君有志嗟難得力學復知性與天

分韻得陪字示同遊諸生

書中何事真堪樂為是先賢牖後來堯舜文章當日
見漢唐治亂此時開諄諄孔孟常瞻對恩恩程朱得
共陪小學一篇先務急願從今夕好栽培

金座首天章李進士士義來訪以詩謝之

李皆是許諫議宅
之外孫故及之

滄巖山水夕陽明載酒重尋感老兄醉宿僧房同夜
話昭昭諫議百年情

右謝天章

慤懃遠訪一堂宿二百年前諫議孫侃侃良規曾起
敬諄諄德語剩開懽嗟公孝友全天性愧我愚蒙昧
本源倘許溫尋晚歲學相期秉燭八修門右謝士美

題金戒叔江亭

蓬蒿左右沒人脛藜杖何嫌原憲貧篤志劬書達今
古力田耕粟禦冬春滄浪濯足偕羣弟釣弋求魚悅
二親諸子無忘弘道責終期百物囿吾仁

題漾碧亭

沃川山水自湖南漾碧春光寫不堪遠樹依微森遠
宙寒松蕭瑟倚寒巖長橋枕地波聲咽小檻臨風客

興酣此距真源知咫尺短筇何日事幽探

謝郭君舉遠訪

完山昔日幾逡巡夢想幽人不可親感子炎天勞跋涉愧吾荒野苦艱辛年饑將毋拋鄉土道否傷師訣海濱已矣寸心茅塞久憑將何物慰嘉賓

次松泉立春吟

愁關民事慮殃灾暗祝東方泰運開上聖凝神思道切群龍無疾趁春迴興仁家國追三代藏富邊閭積萬堆沮溺遠公俱我友談玄問稼且徘徊

思郭希甫而次其韻二首

少客湖山縣稠中友郭賢求名居衆後得責在人先
落魄江湖老蕭疎鬢髮鮮我洋知我意期續伯牙絃
碩人無事在山阿日向滄洲弄碧霞南楚奇材悲朋
玉東周深計嘆炊沙閑中意味蘇甘蔗世上勲名邵
薄紗訪戴剡溪吾負雪春花君幸問陶家

思金錦溪而次希甫韻二首

芥宮與芸閣餘慶少稱賢雅意存溝壑恒心在古先
仁風活惇獨清操振朝鮮誰識武城守虛堂調五絃
緬想姬周葬北阿近思太白咏栖霞斯文憂患傷工
部世道衰微老白沙閑把牛刀治僻郡常携健筆岸

烏紗游刃恢恢有餘地時訪山陰處士家

申次青蓮丈韻

溫火防泉患豈微陳歐不復牖天扉空聞備賊三方
振曷見迎公九罇歸自是陰雲能變化莫言秋日少
光輝如將一復三陽泰庶望斯民足食衣

次河文道源韻呈李方伯仲舉令公

丙戌

皇華原濕慙勞餘玉節煌煌孺子廬敬老深恩寰海
服憂君一曲赤心攄旌忠樹德神明悅勸學興賢
士氣舒頌戒鄭聲後酒入南中民瘼可蠲除

讀楚辭有感

丁亥

霜秋廖廓夜淒其午就簷陽點楚詞我是東韓一狂
士如何對此涕漣漣

省墓後詣 闕陳疏二首

己丑四月

朝辭考墓哭夕向 君門去君門倘一開請陳虞周
語

我非屈三閭我非陽諫議三年吃吃不能休欲為君
師明大義

封章後待罪 闕下夜深歸路秋月正明乃次

沈僉正伯悞見贈韻

娟娟秋月十分清畢照人間品物形若道孤臣有私

曲餘光應許寸心明

登忠州

嶺南望沃川雲山有感而作二首

封章反謫嶺東天棄母荒山淚若泉言數臣非
比朝紳齊憤理宜然

戴星而起見星休西顧難堪去國愁達理遠欽陶靖
節歸田但記晉陽秋蟬聯司馬終無類忠蓋諸劉亦
不留五代相漢恩匪薄當年夢斷帝王州

踰大小漢嶺有感

何年淫雨崩山豕巨石堆原路轉危瘦馬凌兢鞭不
進幾時歸道坦平夷

峯驛次金橫城叔京丈韻

未復愁日暮天際是輕陰好句聞先哲堅緘負夙心
迢迢丹旆遠杳杳夜郎深不意箕邦士如今作楚吟
春川道中楊安邊之子海星中立以詩慰行和
之 已丑

曾從桂府結深情今見阿咸抱血誠目覩民生極勞
瘁心期王道致昇平誦書不學早而巽讀易何能困
且亨感子家庭有遺訓願聞他日得仁榮 遠寬時
秣馬而歛驛望花岳山有感而作二首

憶昔遥輸昌德材先人為領縣人來山名花岳形

容壯郡號加平氣象恢壯載未能窺境界今朝何幸
望崔嵬 遠戍由山下俯仰難堪百歲哀

悠悠世事備嘗之百計都非我所思賤子寧關榮且
辱義人常惧暮而遲若逢申泄客君側何必唐胡在
路歧億兆仳離我從播興邦其可老天期

南中精兵死于北道癘疫箐屨踰嶺詩以慰之
生者誰知死者哀箐屨歸赴玉門開從今難救干戈
起幾箇心肝委草萊

有人將歸通津欲寄一詩于鄉親

陽陵自是吾先土丘壠誰知樵牧哀南播孱孫今北

徙何能一歲一徘徊

臨溟驛次俞使相韻

長夏清秋惱遠鞍君親何術百憂寬蓬山杳杳滄溟
近天末難堪獨凭欄

再次臨溟韻

二十年前此卸鞍重來依舊海門寬決科在北終接
北戀關思親苦倚欄

萬死餘生寄北溟不堪今日泣郵亭戎臣戰血塗荆
谷關塞危峯照攔四海民生愁怨曠九天雲路益
杳冥周處還多罪死者無言猶有靈

常愛安平金即墨身操版鉅拒強燕如何溜上橫金
日攻狄終資魯仲連

贈姜僉使三首

新安城裏相逢處我是壯夫君少年今日英州相邂
逅君從元帥我流遷金陵杳杳南天遠瀚海漫漫北
地偏萬里君親頻入夢何當一話揚花邊

膽氣須如古趙雲揮戈獨掃犬羊羣哭經酒肆思楊
子謝却名姝有岳君痛念神州交白刃寧甘綺席醉
紅裙須知艮背工夫妙諸葛精神動六軍

古將誰可法三國有朱桓欽欽終日夕如在行陳間
鳴弓志未售撫劒心膽寒君父卧薪苦鳩毒詎歡
顏

次聖居翁韻

今朝匹馬過臨淇叵耐沉吟古驛亭旱氣連天焦土
穀腥風吹野入窓櫪窮年耕稼何聊賴卒歲經營計
杳冥多少行行日邊使願思長策濟生靈

謫嶺東驛寄謝吉州牧六首

神策牛元翼蹉跎在北門一劒掃魏卒誰知有趙雲
時用編裨將鎖鑰重轅門若得巡遠匹當為南霽雲

何事為人哭師亡道不存萬里難忘處吾君可與言
白鴈如從塞北歸塞驢吾欲扣君扉義人若問邊消
息吳下阿蒙是非

南遷向南極北徙近扶桑夜卧滄溟上朝瞻旭日光
地猶金浦北目斷漢山陽會籍風霆力輕陰詎在傍
萬里萍逢日關防有事辰君為牧民選我被相公嗔
得失都關數悲歡却有因丘山負重罪天地荷深
仁林壑垂填鬼邊維作逐臣僞尤徒噬臍涕淚謾沾
巾江右捐吾土天南棄病親自傷鬻子職奚望許臣
鄰聞命初登道踰山更問津孱僮愁慍極駕馬倒

顛頻素受飢寒分寧論迭旅身櫛風忘自苦茹草不
為辛幸出磨雲嶺欣逢仗義人示心傾蓋久悶俗白
頭新掃館留山谷開樽慰穎濱病軀有生氣酒輒潤
枯鱗亶亶新言暢閭閻古意淳壯心許王國努力
守江濬粟積支三歲城堅不二旬胡酋知畏戢方伯
感咨詢晚惠雷封加紫紳優恩動黃髮五馬

促朱輪士喜遭

民權遇寇恂剗煩窮黠吏設樂

餞嘉賓雄略通今古

後鬼神馬兵論矍鑠陸膽

寫困輪曷假天驕子時凌我病民師行逾七歲糧運
振三垠榆塞移閭左金甌遍廢闔殘城多白骨暗谷

起妖塵復矢添新寡標梅失舊姻殷憂幾草屋浩歎
獨楓宸內帑金繒竭藩庭爵賞均恨無一箇士能破
萬夫屯鳴劍頗窮黷請纓歸浪陳屢聞邊戶感曷見
國威伸羊叔思安晉廉頗坐却秦唯應自守固斯絕
狗偷續萬甲惟君在奇謀古將遵至誠復感激危道
莫因循渭上降回紇馬陵虜魏申斯知前計笑夫孰
外彌綸只為民勞瘁不堪家感輦橫徭輸轉紆遠役
捨畦畛癘疫况彌廣旱饑又荐臻何人能飽飫無里
不嗟呻未暇謀微命誰能識大倫伏波將跼蹐即墨
勢沉淪保子天垂慶投醪世所珍尊君親上義要在

喻之真

贈南兵使申令公恪

少年關北困窮秋阻雪緣塲并滯留幸值廣文為表
叔欣逢長者作遨頭慙慙海曲松陰酌繾綣東城月
下遊二十四年難再遇三千餘里作孤囚炎程遠出
轅門下牙纛遙臨甲野陬一札寒暄徒問訊復書溝
壑嘆綢繆寧論戎幕勞奔走感激君恩久疊稠馳馬
豈復能殺賊運籌自甬坐攻謀羊公對敵惟緩帶郭
子降戎只脫鰲狡虜猶知存大信吾民寧不感明猷
兵精貴識尊君義旅夥偏憐及族憂近報宋臣幽撤

曷明知天意喪胡酋符丕告急真膚害悉怛中傷乃
國愁劫略罕开其罪著覘窺疆域彼情幽簡書誠命
昭隣戒奏牘商量絕我羞耕鑿自宜因啟土戰攻何
必互為讐渠來盛設河東宴寇至惟稱境上矛馬武
犁庭涉窮黷桓冲憂闕解攘修願聞塞外干戈靜佇
見閭閻救粟優豈我崆峒長倚劍還思一醉庾公樓

嶺東驛題柱

沃土移居趙汝式今方俟罪嶺東驛山中有母不能
養海上新魚難自享請見北來南去人須陳晝思夜
夢頻尺書倘寄雲天鴈白飯青芻為君辦

千里裁書寄汝歸
吾廬城北破柴扉
門前楊柳多傷事
須訪鄰翁問是非

次除夕吟四首

結屋對滄浪
濯纓思渺茫
義人隔千里
烏兔鏡中忙
光陰鼎鼎驚何速
臘盡今宵春又來
不惜頭邊添白髮
還愁壯志逐年衰

三百餘旬只五更
殘宵耿耿伴燈明
昨非今是何當悟
四十九年愁又生

思昔松泉坐比肩
多生綺語聽羣禪
知君再到吾嗟

空想匡床一縷烟

還踰摩天嶺

北閣君恩重南州母病深
摩天有歸日感淚自盈襟
咸興半刺送酒于中道詩以謝之

千里歸家客思親
奮欲飛離亭遠送酒風雪政霏霏

與金安東肅夫三首

名宇顯

憶昔從兄拜聖秋
相期堅志抗前脩
那知十載紛綸

極風雪關河作楚囚

欲作東韓折股賢
須知四十九年非
百歲悠悠猶未

半期公了悟一人機

先生之竄北金有力及先生賜與鄭送相親竄會寧相

值於永興與書及
此三詩而不相見

經幄爭言鄭職膺君非親戚豈其朋時危誰使主張
是人衆難專造化能洪水滔天極憂惱荒山薄海迭
嗟矜雙城邂逅崖州路因客無羊不敢蒸因一作遠

贈梁石城鼓巖丈并序

石山縣齋以百年能幾見分韻得見字途中因感
舊遊抽得六十韻未暇刪削錄呈鈴軒侍史仰希
斤正無望令胤與金上舍之和寄也

鳴陽與黔浦湖岳渺畿甸先哲逸難追遺賢空自羨
聲名播遐事業同兢戰我校世南書公監兩宮膳

盡簪喜自深齋刺嗟吾倦玉樹出三奇獅圖慶俱戀
甘棠在德鄰惠政居人先我忝幕脩官時論詩雨霰
石門四牡鳴柳巷流鶯轉窈窕頌人居逶迤山路轉
客趨瀟灑園主適娥林縣畫閣枕巖泉瓊詩滿牆面
徘徊費咏嘆陟降勤回眄隔嶺阻提携嗣音少風便
猶識季方顏屢磨惠連硯酌酒對松篁有香滿庭院
歸來十載周世道浮雲變箕範蕩洪流殷原悲火煽
吾君固聖明下士忘孤賤出位負深辜遐遠非重譴
猶增俊傑憂濫荷優恩眷一歲即追回古來未聞見
封章渡朔河泣血瞻宮殿劇賊漸宜平閑愁惡自遣

南雲想倚閭北壠失瞻冀耕罷月三圓歸思櫻五薦
一旬款水艱四壁甌塵現山野久盤桓憂虞徒內煎
途窮仗友生杜句吟黃卷聞君宰石山使我思蘧瑗
驅馬出孤雲伴人面掣電相看道遠思豈暇陳遙唁
一邑帶江湖二龍俱俊彥掃堂舍蓋公話古哀曼倩
蒼髮映華簪丹心昭一片龍門餘響存寶樹文場擅
砥柱屹千尋精金勤百鍊斯知樂且儀誰道突而弁
柔色省晨昏嘉言備談讌明時惜駸昏素性思狂狷
山海任優游經書期貫穿求完江革衣難把黃香扇
如復有曾興不須愁馬援要全忠孝門無媿陳荀傳

探棟作長材巖廊非苟選忠言願拜昌良藥勿憂眩
菲食省征徭茅茨罷營繕民風戒薄偷士習羞矜衛
禮記閤然章詩歌素為約丙魏獻嘉猷儀秦絕鄙諂
百職動胥匡一人常不眩顏淵問守邦必子能治單
鬼火熄遇陽冰山消見睨三垂怨氛消四野恩光遍
萬室舉安康同胞俱慶抃干戈永廩藏飢饉何仍荐
可講鄉射儀可行養老宴邦基自若山國脉邦如線
何地無守人何方無養麪太平可庶幾拙句愧繁衍
次或人韻五首

擬結忘年契共期調玉燭誰證歲寒盟窓前一叢竹

幽林月下踈倦鳥池邊宿閑把竹葉杯時聞楊柳曲
休嗟歲已闌且喜陽初復心事說無人孤吟倚脩竹
寧窺相公閣不醉都門市人言後生狂皆自李涵氏
昔歸江上村依然桑梓存寧知關塞外百感與君言

挽鄭上舍君章三首

庚寅春

蓬山得遇鄭君章一見令人意自強萬里歸來聞子
訃春風偏悼善人亡

遠客沉淪寂寞濱逢君二歲許心親題名老岳津三
涉講禮雙峯友十臻至行空聞人愛慕奇才曷使世
沉淪年踰四十終無子天道何緣問鬼神

世事紛紛日寧君卧不知民生多苦疾國步際艱危
我友如好學大平猶可期英材獨不壽叵耐涕漣漣
挽金上舍大升

海內知名士惟公識貧韋編怡暮境尊酒養天真
幾發傷時淚空思直道民後生愁絕處誰復誨諄諄

次仁山板上韻

誰令鳴鳳在高崗白屋蕭條客意涼尺褐幾年能庇
體盤蔬何日可充腸目前妻子呼斯急門外征科蹴
甬忙多少顛連窮困態無緣圖畫展龍床

題朴如一松亭

黃溪山水擅湖西瀟灑松亭難品題列岫蒼茫開畫
簇清川浙瀝響玻璃先人至樂今猶想後嗣遵行路
不迷千古聚星終有愧傳家忠孝昔賢齋

題金冲庵先生發策後

寸晷少陳傳巖語經綸大手自天成天教孟子開東
土錯道興賢國以傾

庚寅見海西盧肅川之子為安胎監役因憶栗
谷先生寄三小絕

石潭投拜十餘霜海曲籃輿荷遠將此日先生懷不
見逢君願與問溪堂

庚辰秋余與李達夫共往謁
先生先生以籃輿遠餞于浩然

亭方伯李
藥園亦臨

南來幽谷病侵尋
悵望西州阻好音
聞有大官臨絕壑
海天消息想如今

溪堂昔日幸同參
景仰先生為指南
十載歸來猶伎倆

兩子張諸友庶無慚

監役詳言先生分財時雖是聘家孽產與其夫人均分財產不

間嫡庶曰爾輩無此
蜀由追奉先祀乎

次朴生景修韻

感君携杖叩盤谷
政值炎蒸六月天
又寄新詞令我咏
閑雲依舊在山前

謝尹進士元翁惠橘

庚寅

洞庭金橘擅天香不見于今已十霜
坐副陸郎遺母意見孫猶得嗅餘芳

贈薛叔靜并序二首

數年之間略涉經史似乎輕易聖言
將聖賢言語只作一場說話乃有前脩之訓
茲當告别贈以一絕

宣尼當日未東周餘訓洋洋照萬秋
男子窮經將致用冀為王所一居州

秋雨濛濛鎖遠岑聞君擲沐透穹林
可憐蔬糲常難繼叵耐秦青惜別心

謝庾復初兄弟携酒見訪因呈椿府案下
庾寅
裂裳曾向北溟幽得到龍泉感舊遊
詎意還鄉一年
速屢逢賢子淚先流

溪邊對酌三首

相携共酌小溪濱老少怡然自一春
莫道深林無長物滿山薇蕨可幽人
把酒相尋寂寞濱碧溪深樹惜餘春
誰知座上謳吟客自是東西南北人
躑躑殘紅在澗濱共隨流水送餘春
依然少長山陰會愧我才非江左人

贈崔仲龍

初從鄭逵受學後從先生而絕鄭故免禍

庚寅

南中逆賊結兇謀東國綱常解紐秋衆楚咻時君不
變儒林幾箇暗包羞

化仁津待奇監司景延

名苓

使君有酒酒如河倦客騎驢江路賒若不臨流先一
酌風流還讓畢公多

後野洞契中因謝長少

身為後野洞中人願與尊君而愛親若把深盃歸厚
德管山應許儘明倫

七月九日以君不見黃河之水天上来分韻得

見字各為言志之約奉贈同遊諸賢

嗟我少不勉四十悲墻面未信早求名交遊羞子賤
南宦毀銷金北歸留掣電三山牧疲氓四惡紛交煽
烈焰及賢祠反躬心戰戰傷弓不早翔事迫難避箭
帷蒙天網寬末減遭薄譴北駕風裂裳病母憂暝
眩南吟黃鳥歌丘墓隔畿甸姻家苦相邀佳婦誠眷
眷牽挽祖母衣朝夕言笑宴覓酒且安神香蔬備新
薦借耕山上田林壑窮遐眄借屋又粗完明窓開百
卷耕餘歸拂床雲開如見睨基見好古文堵賤耽經
傳時時問所疑自悅難敷衍誤承冠童來學劣慚俊

彥窮鄉久離羣幽明師友戀清風隔坡山痛哭西林
院就食自貽阻寤寐愁轉輾物欲互戰攻微言僅一
線只今倘廢書氣質無由變紛綸一家中天地何時
真如蒙示周行昨非今可轉奉勸湖海朋勿憚狂且
狷義利早與分常怕規矩面術業付遺經丹心露一
片窮格遵聖言毋令舊習擅如玉要千磨如金須百
鍊至樂且在茲人爵宜勿羨會當透徹辰忠孝應周
遍為龍諸葛廬作虎皇王殿天今驚動秋 聖主頻
減膳南民作流屍北塞飢饉存驕虜日憑陵戰士無
傳饌吾人作蠹虫俯仰愧筆硯冉子却齊師希文驚

夏顛古來制敵人豈皆強壯選道義養有素正氣恢
九縣諸君作男兒豈可徒消遣擎天取日謀盍於平
時繕老岳高且深草木紛惹簪前山翠作屏小溪流
濺濺茂林自清幽佳禽隨夕嘯藏修宜及時土宇且
勿倦婉孌不加工扞格突而弁老大忽焉臻何補心
如煎縱能取科名事理心貫穿論詩且解頤不托嗟
無麪孜孜願日將刮目重相見終期扶正宗文風宇
宙扇

七月十日金士潤將還以蜀道之難難於上青天
分韻得於字吟成四十韻奉勸諸同遊以教

尚小學無戒二小子

君不見朱文公小學書收心養性之所於綱領昭昭
節目備若欲為人其後諸立教明白少壯序真李遺
言良誨余明倫五品倫以厚敬身四要身不踈稽古
明示聖賢跡益信前篇言不虛嘉言又記後賢言一
一提耳面命教善行況載後賢行尚友有地其樂且
題辭喫緊獎小子洋洋大訓垂瓊琚若於年少講不
明長成鹵莽終何如所以前哲敬又信作註令人疑
晦祛浙中如何不信此只將史學先紛挐詭論偷俗
卒誤宋指鹿為馬龍為猪遺篇何歲渡遼河九疇重

明箕子墟人重彞倫愛君父真箇生民保厥居紛紛
只患俗眼狹纔遇仁賢先務除寒暄殞首靜庵喪世
皆視此如土宜雲暗青天白日晦幾箇端人為醯醢
滔滔萬古只如此許多姦魁宮未潛躬行幸覩 二

聖作深傷蓋臣被誅鋤先王教化莫與若盛印斯書
遍州間雲龍風虎同氣從退溪躬修道卷舒慙勤指
掌十圖中期使東民免淪胥邇來德水有明訣必使
英才先是書薰風庶見髦乂變半途云亡可歎歎坡
山幸有同志翁四十餘年禮率初踐履都在一部中
陋巷單瓢樂有餘愚生但聞一句話離索無緣辨魯

魚勞君遠訪感則有憑將何物勸躊躇惟思一日廢
此學切惧馬牛而襟裾家間猶患正牆面況於治平
望稱譽煩君莫作鴻鵠志須知經訓乃留畬潛修力
行慕前脩須絕外好為蘧蓀終期他日往聞道勿謂
見我承權輿假令或被人指目朝聞夕死寧其徐櫛
風重趼古有人莫向大道空趲趲若謂酸梨足充腸
何異坐井誇蟾蜍百千功夫此時切悠悠難駐羲和
車會當根基深厚日次第經籍為我儲修已治人自
有法經綸大志方可據君須努力永勿懈切怕老大
悲窮廬

重刊集卷一
贈朴明允二首

名廷亮

誰構書齋在溪曲天將大教倩人知
須思遍牖奇男子免使臨幾只解頤
杖策尋師講履秋治生那肯執牙籌
遙知學到超然處應有樞衣自海陬

祭後憶故鄉親戚

南來幸寓一田家新薦隨時自不差
分餽還難諸父共停盃此日獨含嗟

謝梁有淡見訪

邂逅滄巖識面初蒼顏白髮兩相如
于今未話重峯

下樽有香醪簞有魚

謝三山耆老遠訪

格慎孤村石路賒寧知白髮度緣崖登樓一醉三山

酒松下相看向日花

右謝金座省天章
栗及其姪金大好

謝金峻葆

許諫議外孫

鍾山格慎路崢嶸佩酒相尋話弟兄先醉昏昏廢酬

酢慙勤重義負平生

謝金光葆朴景龍李命百

管山雲物屬清和四顧峯巒草色多携酒慙勤相遠

慰報恩耆老義如何

羅火峴盤石待李厚之

大純

老岳訪而厚巧違孤山村春林願一晤恪慎期黃昏
南城主將赴會盟宴詩以為別無呈月汀相公
三韓千載慶光國靜妖氛洒落君臣讌通融新舊勲
秋風促星駕華髮通龍文遠祝賡歌日懽騰結五雲
敬次主上殿下次山海關馬主事贈奏請使

俞判書頤

山海王人句遙知感至誠籲天逾十世勞价歷千營
玉館愁鳴鶴榆林喜聽鶯一方臣庶願昭雪廣王明
上帝垂仁義昭回自我誠簧言初復造人力久經營

淚洒秦庭雪歌呼東國鶯惟能推下 世服我王

明

宗系斯歸正天應動至誠十三朝所格一二子攸營
衛后思無競周歌咏有鶯分功不自處尤賀我王
明

御製

宗祊今始定莫謂是予誠 列祖功曾積諸賢悃幾
營懽忻同太造歌喜及流鶯願守區區志千秋 戴
聖明

謝金水原士重

名千鑑即
倡義使

庚寅

酒轍秋山困倒時仁人有惠遠周飢怡怡此日慈顏
喜若欲形言天地知

謝襄誠之見訪二首

箕邦幾歲彞倫斁不耐邪論世糾紛人去空餘方策
在功夫千倍庶能聞

山蹊豐草少人開感子慇勤跋涉來徃歲巧違由妄
叫前宵闕禮坐昏頽深慙只為離君積病眼長因戀
主擡直怕龍門餘響絕千年吾道賴栽培

聞襄誠之客中愆和憂想之深茲承瓊韻喜而

和之

茂樹長溪日色涼秋山數疊對茅堂
固中不繼源源會何事吾人面萎黃

和全孝先三首

聞有全孝先來自耆士村農談雜儒雅忘却醉昏昏
狂士何須問荒山寂寞濱莫訝愛芳草不忍去蘭紉
一往還難致下誠深慙珍重故人情耕耘自懼時將
暮跋涉良勤路不平鬱悵休論浮世隘栖遲幸賴碧
溪清荒詞不足當貂尾恐負山禽求友聲

安善初還訪山中詩以為謝

二首
庚寅

文成公
之後

西亭北岳草離離川路逶迤石逕危感子佩壺來遠

訪文成一脉未全衰

莫說關河遠別離孤臣元不管安危山中若使吾長
醉誰道三韓士氣衰

敬次牛溪先生韻

路入秋山寂寞濱思人千里獨逡巡先生有問林間
墜恍若沉疴去一身

追謝郭希甫携友遠訪空還

道路艱關躡躡時驚君携友訪柴扉胸襟茅塞炎程

遠怡悵山翁未遇歸

貴安習之名敏學

詩山政劇苞山易底事蓬娥勝密娥五十年來甘醢
毒吁嗟尤物誤人多

邊虞候凌晨起程未及奉別詩以見志

常愛桓桓高烈武臨危進輦濟黃河三呼聲裡丹兵
挫不必提戈斬伐多

軍中有一韓西賊聞之心膽寒軍中有一范西賊聞
之驚破膽一夫能使敵人驚為其宵箴數萬兵男兒
欲紓君父憂須知先事折人謀

李可依次西亭韻見示有感而次之

耻學蘇秦夏衣裘晚來徙倚仲宣樓山容闔闢隨方

異雲影參差逐水流浮世低昂民物態騷人憔悴古
今愁皇王帝伯何殊轍廓落乾坤白盡頭

金堂長松亭以詩來見次以贈之又次朴景新

芸韻

聖門於道一言傳愧我心神不在焉彼物有魚能點
額吾人何事鮮希賢須知要務切身學却悔傍芸捨
已田天爵修來人爵至肯教終若魏孰懸

其人莫不
策名於薦

書故
及之

李誠甫淨友堂次板上韻

山上青松山下村王孫高卧閉衡門繁華軒冕無心

久瀟洒林亭樂事存露挹瓊葩迎月泣雨
珠蓋和風翻瀛漢夫子應先獲復向書中
邇厥源

尚州道中有感

庚寅臘月十四日

耕餘偷得昇平暇行通三韓故國墟周道
平平幾人履最憐金氏向松都

海平縣東望金烏山有感次古人韻十五日

萬代高名古注書金烏當日早幽居
漢山葱鬱新王氣松岳悲涼故國墟杖策
幾人開甲第採薇甘自守窮閭欲尋盟手
道遙處茂樹清泉倘導余

古詩有
盟手清

泉陰臨身茂樹
高之句故及之

宿長水郵軒次李獻壁上韻贈主人察訪李泰

叔十六日

訪友千竿脩竹林急開樽酒細論心願取聚星亭賢

誠哉洋終信伯牙琴

李獻詩有對君偏感歲寒心之句

愛酒初非慕竹林江湖不耐戀君心主人為道書留

壁恨未重聽李獻琴

泰叔為道三陟竹西樓之勝槩為關東第一余

遂請名郵軒為竹西

新寧瀟洒竹西軒碧立千竿擁驛門對此願看聖謨訓吾知羣卒感君恩

次林石川韻贈李泰叔

十載逢清道其如邂逅何江湖久為客京洛素無家
逆旅投林鳥光陰赴壑蛇躬耕難贍養徒嘆縻彤摑
寄上奇方伯景延

先生四牡在洪陽嶺海迢迢道路長已得省方承主
寵應須撫鏡惜年光寧帷處處哀鰥寡拈筆時時問
痛痒願誦匡衡第六戒廣心浩大病遺忘

新寧倅韓丈

侗

携酒出訪因與泰叔飲醉未得

辭

十七日

高寢為郎幸盍簪齋居七日感知音江湖遍有窮人

跡逆旅重逢長者臨屈指顏衰九年別消腸氣壓十
杯深還慚醉倒忘遙賀百里民蘇愛物心壬午秋余為宗廟令

韓為直長

次霽月堂壁上韻贈永倅元彥偉容求和十九

治心專昧置淵水千尺龍門曷擬登昔友潛郎無貌

敬今聞賢守有威被滌襟堂裡留新客明遠樓中尚

古朋把酒勸君加惠愛龔黃卓魯世爭稱新客謂慶判李鎮之也

永川滌襟之筵醉次主倅元彥偉韻贈慶判李

鎮之後岳二首

天寒在歧路惟我獨逢君何日歸蓬邑松陰咏古文

客路初傾蓋臨歧又別君最愛高烈武防胡不用文

奉酬彥偉見和韻二首

瘦馬凌兢踏雪冰蘇門長肅感孫登川原繞繚橫山
麓樓閣參差枕石稜濶別十年愁道路提携連日晤
賓朋如何值此昇平暇聖主鴻恩難具稱

曾經雉岳動余思却虜高勲遠通知鼻祖出為衰世

用賢孫宜與聖朝期才無瞿圃爭觀德氣蓋鴻門壯

倒危男子酬恩惟晚節須看排難柱危時彥偉遠祖有諱

冲甲以進士同原州判官崔慎力破哈丹于雉岳城下使哈丹不得肆暴南下燕歧為元軍合擊逐北而彥偉少有膽氣才無文武且於鄭彥信啓徵三道餘丁價布之時獨疏論之故及之

慶判以居水之故促鞭登途不受州士追餞余
與彥偉飲而別之

半刺望望去不回行人替飲餞行盃誰知官柳悲鳴
鳥捻訴張君去後懷

明遠樓上敬次文忠公韻二首

圃隱遺碑在何處村童猶解說悠悠乾坤秀氣無時
泯萬古忠魂帝共遊

川從母子

山名永水所出

遠縈回樓向蓬瀛傷日開楚客愁

邊明月照愁民樂處慶雲來登茲幾費仲宣賦對此
須傾太白杯圃隱舊居詩在壁長吟東望重徘徊

愚巷里前歷觀先生孝子碑

東國少連今宋瑞孔門顏氏古周公為言書院諸君子學問須思移孝忠

又次慕齋先生韻

綠竹蒼松間水湄行人多少去來時仙娥引手傳杯
急倦客濡毫覓句遲故國山河愁鳥度盛寒冰雪隔
魚吹慕齋善政今誰繼咨訪彈勞老幼知

樓題仰觀文忠公所作一律一絕手澤如昨風
流宛然終宵有感因記排律二十韻以寓平生
景慕之意因以二十日往拜于臨臯書院先

生真像

萬仞高標鄭侍中平生為國罄丹衷詞源屈宋騷音
楚學派朱程聖道東澄汰黃流千丈渾全完秀氣一
春融艱危濟世思匡主夙夜殫勞任匪躬西走帝
庭朝貢節南和日域聘航通干戈免致民生困禮樂
期耆王業隆圜海彞倫信箕範百年被祚洗胡蒙開
城宮闕垂崩潰漢岳松杉向鬱葱安社一心惟白髮
蒼桑百計但書空彌綸早失三元帥顛覆空怜一幼
冲隻手擎天縱無策匹夫抗志竟輸忠綱常萬古昭
天地氣槩徧邦振傑雄誠感鬼神精不泯魂隨日月

視無窮苑裘勝地超千里畫閣飛樓冠八紘秀句文
山俱炳耀遺墟孤竹一般同灤河永水皆清麗砥柱
長松兩屹崇信宿遊觀偕素想吟哦嘆賞感秋蓬地
靈自古為人傑政化如今問主翁倘有博望為上客
請將明遠換清風豐碑指點長橋外名德依然在僕
僮

三元帥謂金得培安祐李芳實也
先生有祭金文

二十日往子臨臯書院拜謁圃隱先生真像後
因題院壁

純忠大節冠當時吏議如何敢置疑南服卉裳西感
帝民登壽域士知詩誠通金石三韓寶學究天人百

世師小子掘衣來俯仰宛然親覩 虎龍姿

壁間有沈伯悞所次四韻乃以地震解怪祭獻
官來見姑夫曹倅作也

緬仰高名千里遥曾聞啣 命下雲霄路逾峻嶺橫
三疊庭對見松長數條壽域幾傷黎庶天孤壇應閤
癘神驕如今往在可言地四字要須告 聖朝

右為伯悞

次之

次贈主公

莫道天公萬里遥昭昭頭上揔丹霄簡於俊乂從三
宅治了黔黎列七條惠澤思加民疾苦威明應制吏

姦驕匹夫匹婦終無散方信欽兢事 聖朝

次以自警

十年江海浪逍遙病鶴猶知望碧霄九法常憂數筭
範三綱時未舉曾條得之誰肯忠兼信失者多由泰
與驕履薄臨深苟終始欽兢不負 聖明朝

二十二日到河陽次松崗贈金縣監光斗韻五

絕

梅溪先逝寒暄吊野吏當年感嘆多今到河陽聞故

事霜天如見一黃花

梅溪請死順天為主
公曹胤申之祖也

石潭何事先人逝世道深傷變態多今見元賓治十

室春風應對小堦花

曹倅曾友栗谷云故舉以贈之

松崗德業吾攸敬江海曾傷離別多今覩楫間有五

絕宛如嚴雪綻梅花

右為松崗大人次之

桂陽昔日知揚子江海彈琴感慨多今聽安邊有佳

會故山何處自開花

右為楊府使彥遇士奇次之

洛下吾知二李丈

景魯宜仲

常憐會少別離多幸逢交契

萍浮日樽酒何年賦落花

右為李別坐次之

坡山江閣何年會嶺海思君恨別多今見屏間有健

筆從知魏眼醉生花

右河陽東廟有李比安季猷大筆迹故次之

挽李判相新庵子秀俊

少連當日善居喪遠喜東方孝理光今歲如何天不

吊楓宸又奏喜人亡

前秋思庵捐館今又新庵桑世故云又奏

次省峴壁上韻

天寒心逐白雲飛日暮冷侵遊子衣孤館中宵聊假寐夢魂猶向故園歸

二十三日歷慶山館次晦齋先生韻

庚寅臘月

碧澗琮琤下北流西入江歷山凡有幾此縣固無雙爽氣通高閣蒼屏對小窓沉吟題一絕巨筆文如扛

二十四日向清道郡路拜漁村先生于川路

時

守金浩然濕也以迎室家事向省峴

九載藹顏範天寒拜路頭故山新總角衰髮颯成秋
嶺海治聲洽江湖浪迹浮清涼如一日逸氣當封侯

右次晦齋韻

再次清德樓韻

鰲山半空碧樓在斷岡頭新政清如水三農慶有秋
仁心推得下喜色藹然浮不愧漢循吏宜為關內侯

次鰲山東軒李使相鳴谷

仲舉韻
山甫韻

二十六日

何日來開養老筵黃翁爭舞使羣前聖恩到處深如
海不必河西有酒泉

次鰲山東軒韻呈漁村先生

父生 君食不言功師教尤關三事中若昧虞周倫
紀叙雖存耳目瞽聵同 先生為惠詩書教小子頗
蒙俊傑容願學樂共無隱語憧憧終夕慰孤蹤

請漁村先生立後

先生清德冠吾東士類欽風民若翁天意定須終有
後佳兒養處享無窮

謝周急之惠

躬耕為養猶多餒畢給便身愧次翁今日又蒙周急
義如承釜庾喜無窮

和贈李泰叔

村享長乃金漁
之壻也

湖海相逢最少年如今君壯我蒼然
瓜瓞瓊報輸心好三復長吟聲徹天

郡西十里有濯纓先生祠院乃金

駙孫

家壻也

與泰叔往吊次壁上韻

百年遺事問悠悠綠竹蒼松繞故丘
絕學要須開日月微言非是續陽秋
京生只為劉衰惜石氏寧思黨禍謀
萬古憐人真戲劇誦詩懷古淚先流

追寄謝泰叔

扭城一別歲悠悠豈意今朝遇石丘
蓬旅周觀幾山水光陰迅忽十春秋
嗟君富有希賢志愧我常忘為

道謀倘獲晚成新築約共耕閑野釣清流

追寄仁同侪趙大中

簪

簪盍京監十六秋三山何幸繼遨頭
遠尋後野留詩別邀話清溪把酒遊
雲散關河德音阻萍逢嶺表聖恩優
歸程自負重來約歲晏偏憂慈母愁

欲寄張昌原未果

名義國

國子監中挾筴日廣寒樓上盍簪時
威儀到底徒瞻仰江海如今費夢思
十載風雲多變化一生趨走信驚疑
暑鞭進步誠吾願直恐門閭待子遲

崔大丘

仲膺

乙亥

為通津監務

憲

為交承故作

一詩叙懷

分津昔日佩銅符年少還慚長者模
均役寧知媒巨禍憂時謾自賣純愚
京湖杳杳儀難接嶺海迢迢客不虞
觀德亭前度一歲枯魚猶賴聖恩蘇

劉生福男曾遇驪江而又逢於達城
夜道東賢勝詩不遺一字呼燈略記
因感戊子歲搬取妹家舟行狼狽之
事因贈以詩

清心樓下泊舟時日暮橋陵少我知
邂逅逢君沙渚上周旋活我道途飢
深思藥圃難重見夢想唐城有遠期
幸遇達丘連夜話挑燈吟續古人詩

藥圃時為驪牧方有

囑人陳章之謗
故未敢投見

寄自如察訪金季義後布五絕

一別三山八載餘風霜千里鴈書疎想應韜却牛刀

手脩竹林中坐自如右叙別

今歲湖西得再遊鼓崑風度老彌道時時語及蘇門

事千里遐思自不休右為梁石城道其情思

惜余生在海鄉村先子餘音蚤未聞欲見儀形問詩

禮迢迢嶺路阻寒雲右憶河西先生有感

金烏山麓臨臯上先哲遺風久逾芳安得與君同拜

謁歲寒心事厲風霜右述高山景仰之意

千里思君欲一逢病親甘旨誤深冬求魚南出難遑

適五絕憑人謾自封右述欲見未見之情蓋金是河西之子鼓嶠前室之甥也

因金君舉寄呈崔晉牧立之令公五絕

官罷無歸住管山鄉關迢遞道途艱西亭一過無消

息想認吾耕畿縣間右其於赴晉過汝之路恨未參聞也

延津江上追陪日矗石樓中獨坐時十載風霜愁幾

許令人憶著髮成絲右感舊傷時

昔日寧山周急義窮途何日少忘之今來欲遯平生

志歲暮萱闈歸去遲右叙感戀之懷

頭流山下雙溪遠學士遺蹤在石門太守風流知不

俗藍輿時訪載琴樽右記昔懷今

頭流山下兩塘水云是南溟處士家借問武陵桃尚

在綠林風雨恐傷多右漢世人為邪說所惑

達城東廂次益城君韻

二十九日

惠政曾孚七十城仁聲又洽士民情從知白屋無咨

怨千里兒童誦姓名

薄雲斜日照江城一笑悠然萬古情行到晴平郊野

豁鸞鳳高舉不須名

又次壁上韻

客路悠悠過一歲光陰負鏡中絲幸承崧岳丈人

教如坐春風度二時

次鳴谷使相韻

故人吟咏在江城十載遐思多少情
命駕相尋諒非遠山河休道隔千程

崔大立於漢川南邊構茅堂數間搜得陰崖十

景俾憲賦之

雲邊三角

仙山卓立五雲邊佳氣葱葱直萬年
聖笑願頌齊羣岳常看北闕繞祥烟

日下長安

神都王氣自雄蟠遠業常謀盤石安願聽日邊消息
好蒼生百萬免饑寒

木覓夕烽

蒼松鬱鬱繞前岡日夕邊烽報漢陽從此四方無警
急蚤頭歌吹聽無疆

江寺曉鍾

滄江百里去如彎古寺晨鍾晡靄間喚起阿兒燈未
至招招舟子已無閑

南漢古城

溫王何日去檀都十濟猶知保海隅南下扶餘綿五

百一城高處想雄圖

西陵松雪

昭陵遙對濟川亭
百尺喬松一望青
雪下長枝看錯落
老龍無數擁祠庭

廣津漁火

滿江漁火照人多
欸乃聲隨一曲歌
舉網歸來供老食
城中魚價問如何

清潭歸帆

清潭斜日晚風吹
多少行舟恐去遲
一片雲帆隨處舉
渡頭時聽鬧羣兒

箭郊春色

長郊時雨趁春和一夜東風長草芽起望平蕪無限
碧游龍處處競騰挐

炭川秋光

晴川蕭瑟夜風涼稻熟西疇鴈叫霜大野黃雲民樂
處荻花楓葉已秋光

益城君出示其遠祖洪忠平公灌行狀三復感

嘆因題其後

辛卯正朝

忠平大節海東瀕主辱何曾念我身一死義明宋孔
父先登勇決穎封人求仁早抱夷齊志食德常生桓

武倫不待名垂太史傳家聲赫赫照千春

益城又示其先祖匡定公行狀誅奸安社之功
屹然無及者因題其後

三林之亂國瀕危趙孟寬魂絕島悲匡定此時安社
稷聞風百載淚漣洏

大丘教授宋賢哉出示其內外祖行狀因題申

杜節公崇行狀後

桐叢何年戰楚軍東門一死漢王奔分明紀信存劉
氏錯比鄂公玄武勲

題宋尚州行狀後

尚牧宋希圭乃是教授宋賢
哉之祖而曾為大丘府使

達城曾是昔賢臨見子難堪感舊心李杜宜為梁冀
忤趙胡何但淚沾襟

達城有陶靖節先生集追寄印紙題于紙表

靖節先生我所欽清風萬古激儒林遺詞一字皆冲

澹願與常看慰我心

是日大醉不知舟渡洛江

朴咸昌

忠後汝述

家有先生贈人之詩次以吊之

男兒節著歲寒時戀主丹心死不違一縷微言集

賢命八行雄筆廟堂詩多年日下無消息何處

鵲聲愴別離謹甫無孫公有後祠前一醉不堪悲

汝述招三姪以見之明秀可愛醉書范訓

汝述名忠

重刊集卷一
三四
後朴彭
年之後

使汝為善我不為惡臨死不迷吾嘉孟博先生一死
士林有作擴充其學六尺可托

又次先生韻錄付朴

忠胤

轉呈益城君

窮途臘盡歲迴時逢我黃瓊教不違孺子還忘當世
事張公吟續壁間詩奉書三日消憂惱樽酒高樓惜
別離歷拜巖村叅判廟清風百世使人悲

四日子半宿醒初醒窓外有登音喜得逋奴自
現

甫為人子作吾奴號令非煩底事逋使汝飢寒真我

過後今薪水曷無虞

京山敬事堂酒席醉次思齋先生韻贈主牧李

悅之

五日

新年客到古雄州
處處民祈大有秋
文烈清風欽宿德
思齋惠政仰前脩
儘憂社稷懷深計
肯為江湖忘遠謀
點綴荒詞記遺迹
孤蹤知不負南遊

同席有元上舍廣甫埏乃是畿鄉人也追次思

齋韻三首

逢人送旅喜增加
為我曾從嶺海過
痛飲京山新歲酒
江湖遍感聖恩多

日暮風吹遊子衣歸心先逐白雲飛路逢益友真多
幸新歲翻然悟昨非

飄泊湖西已十春道塗難遇漢西人與君邂逅京山
館竟夜雷談倍爽神

挽金密陽

錦城歌管慰南遊館我黌軒禮待優今日客來公不
在遺墟西望淚雙流

寄寒崗鄭道可名述

少年何幸遇坡州十載懷人欲白頭今我南遊君在
遠何當一與夢魂遊

次廣南韻無示鄭士俊

恠

懲窒工夫未肯加人間萬事幾蹉過幸逢二友終知
悔汝式南行信自多

六日之朝主牧將設離筵懲於昨醉次前詩乃
走

東風吹遍嶺南州序屬昇平民樂秋傑閣經營仍
舊貫高山景仰有前脩丹心幾費思君夢赤子咸
知適我謀會見政成務閑日時時領客賦春遊

是午秣馬扶桑郵人家有尚州懸板韻次以述
懷

南鄉聞有善人多匹馬初尋洛水涯欲拜金鰲注書
宅先趨愚谷侍中家濯纓廟下看脩竹文烈祠前訪
雪花萬古清風人起敬天邊忘却鬢成華

郵人之壁有書鄭文翼公詩者又次見志

授北經秋即見 原殘生罔報 聖君恩遠尋昭代

忠臣廟因吊前朝楚客魂達野謾題詩百首京山痛
飲酒三盃晚來人指尚州宅松麓青青竹掩門

夕入金陵郡伯任丈曾任天安時憲自三山點

軍故叙懷

宣化樓前對酌時桓桓元帥選熊羆大平萬歲 君

恩重覓酒江湖掩舊知

歲在甲申秋節度使金聚點送赴北軍馬故及之

善山府伯尹致仲勉時以考講先來追記俗離

之遊

離山同陟水晶峯俯視前崗萬丈松塵迹悠悠溪水

碧金陵一笑舊形容

塵迹至金陵九字改作避迤金陵萍水會樽前一笑

辛卯秋松坡丈次送次佔畢先生韻次以贈之

櫛櫛秋禾倚畝塍金民相與賀年登世紛何事牽愁
緒俗末殷憂理亂繩下士惟憂乏甘旨寒宵無術伴
孤燈霜天幸得松坡咏若到黃山第一層

奉呈松坡大人

重刊集卷一
三十七
邂逅天安許舊知忽忽未暇討心思雪花何事留人
日自幸朝昏講所疑

次希甫見贈韻二首

平世何曾欠酒泉聖恩如海浩無邊人登壽域無憂
患老稚康寧亦一天

將身非好卧林泉自是無憂寂寞邊若得仁賢聞古
道何憂獨坐井觀天

讀何蕃傳有感贈別金松堂丈

芥宮積學廿餘年名姓難通天子前抗議不從朱泚
亂當時行義聳三千

金松亭携酒來訪夜道其著力做工夫之事更
步前韻以慶之

由來絕學貴心傳塗說後知不可焉廓爾距揚真慕
聖闇然修己乃為賢悠悠浪逐渾閑事默默加功是
福田若使行雲無掩蔽中天白日自高懸

吊梁石城

名子微

熒惑煌煌如貫索汴京大起東南獄寧知此日了翁
兒卒繼陳歐陷刑戮時耶命耶可奈何牧老無地登
山哭惟君伯仲間世人妙齡忠孝稟性篤伯也姻親
弄權袂隻手欲掩天下目負師欺君謂已能賊賢進

奸惟所欲苦口規戒斷往還七載醞釀邦禍毒逆賊
忽起悔何追一札謝君甘滅族仲氏封章一言悟中
天昭揭光明燭而我關山許賜環未識君家峙鸞鵠
還踰磨嶺感天恩惜時不計再三瀆敦化門前淚空
垂必患難見童牛牯隋城湖野識君顏重之不啻金
與王唐朝又有安史烈指賊為忠直為曲惟君兄弟
同慷慨疾惡明微性所獨連章實進國人言感激初
非聽他嗾陰邪盤結欺白日可惜明夷八左腹紛紜
迭售袞貞奸一朝邪正成翻覆言路先庸沆與顓洛
下又獎黃李沃會之必殺張趙李已卯餘人盡擊逐

蕭條海離雨飛盆碎首何人更忠告紛紛追究禍彌
深痛矣吾賢就桎梏雷霆之下物先摧崔瑗將軍亦
誣伏詩山亂口安禍成熟有臯陶能問淑金石誰憐
陳執義反咎吾人招禍速元臣故老涕汎瀾舉國愚
民空仰屋古來何代無士禍兄弟肆尸君最酷長楚
空憐倚籬花人生反不如草木若知孤芳難寄林寧
逐幽蘭在空谷採之雖無贈幾人月下從教播芬馥
佳禾未實遽斷絕誰信德種為美穀嗟吾自取恠鬼
譏晚向深林作龜縮空懷蘭玉逸難追今後從誰學
韞櫝彞倫攸數孰為叙箕範茫茫不可續干戈難戢

血肉秋人百其身思爾贖後知天道好循環 聖主
應復不遠復人間是非詎終迷李杜芳名猶馥郁林
甫秦檜若朽鼠鬼議陰誅人叱辱志士由來慎自修
不曾怵禍而誘福伯兮仲兮魂歸來可慰英名超薄
俗

辛卯冬留宿安心寺敬次栗谷先生題積雪樓
韻

玉韻思工部霜髭對遠公谷轉清溪外山明畫樓中
磬度層巖月筆鳴靜夜風添燈作綺語塵慮自然空

壬辰春祝二首

新年至樂在吾廬毋疾康寧妻病除弟妹有田多穀
粟兒孫無事誦詩書山蔬野菜登盤富邊患民虞八
耳踈四十九年非漸覺不妨閑卧伴樵漁右內慶

皇明萬世一車書箕國千年聖主居相得良平侍

帷幄將多頗牧倚邊廬東倭永折西漁揖北虜常摧
南寇車俗義歲豐民樂處狂夫保族老耕鋤右外慶

次尹大丘伯昇年兄韻二首

壬辰正月

吾愛蓬城老太守安民安岳又安邊格言懿行昭今
古綠髮蒼顏同後前渤海政成千室喜常山城築一
方堅願分赤子單醪味永念由吾樂懸

送我關河愁。圓極逢君嶺外喜。無邊奇才卓犖超南
北。傑句巍峩耀後前。願就程門窮遠大。終期顏氏嘆
高堅。丹州刺史昭家訓。玉帶金魚宜世懸。

西臺寺遇朴習讀

成堅

夜道退溪思庵事甚詳

詩以記之
三首

二老先凋久未親。逢公恍若見元賓。喜聞中國欽風
雅。樂見東方領搢紳。可靜南夷威北狄。庶容賢士慰
愁民。九原可作悲無策。恨乏嘉謨為主陳。

盤桓高寺感秋蓬。聞得先賢二老風。箕範茫茫入底
處。傷時憂國自忡忡。

退谷先生難進時思庵大人獨賢之高山仰止人多
語平仲如何不忸怩

寄崔內廂復初令公

桂陽三歲省愆日辟草躬耕賴不飢感淚偏零欒棘
處懽心深鏤昔甘時百年忽忽流丸走萬事昭昭汗
竹知曾對宋賢言行錄願將文呂比肩之

桂陽乃富平府也公

曾徒配于其地

寄權正真卿

曾思弱冠采芹日三舍偏蒙長者知晤語常懷論雨
列深恩同報校書時分津舊政公猶喜桂野愁客子

獨悲十載悠悠聞髮白苦吟惟寄一章詩

論兩乃疏
論普兩時

師渡荆江有懷高而順

壬辰八月十一日

東土批貅百萬師如何無術濟艱危荆江有約人何
去不耐秋風擊楫時

一本作擊楫秋風獨渡時

重峯先生集卷之一終







